



SIARAN AKHBAR
JABATAN PERIKANAN
KEMENTERIAN SUMBER-SUMBER UTAMA DAN PELANCONGAN

SITUASI TERKINI KEJADIAN AIR KEMERAH-MERAHAN
DI PERAIRAN NEGARA BRUNEI DARUSSALAM
28HB. FEBRUARI 2026

Susulan daripada kenyataan media bertarikh 26hb. Sya'ban 1447H bersamaan dengan 14hb. Februari 2026M, Jabatan Perikanan, Kementerian Sumber-Sumber Utama dan Pelancongan, Negara Brunei Darussalam telah giat melaksanakan pemantauan berterusan bagi mengetahui keadaan air kemerah-merahan di perairan Negara Brunei Darussalam dengan kerjasama agensi-agensi berkepentingan iaitu Angkatan Bersama Angkatan Bersenjata Diraja Brunei, dan Polis Marin, Pasukan Polis Diraja Brunei.

Hasil daripada pemantauan dan laporan analisis makmal terkini yang telah dijalankan pada 27hb. Februari 2026, Jabatan Perikanan telah mengesahkan perairan luar pesisir pantai dan pesisiran pantai Brunei Muara, Tutong dan Belait adalah bebas daripada kejadian air kemerah-merahan. Walau bagaimanapun, air kemerah-merahan masih dikesan di kawasan perairan di antara Muara dan Tanjung Pelumpong pada tahap rendah dan terkawal (Lampiran 1).

Dengan ini, larangan sementara ke atas penjualan dan memakan ikan-ikan kecil seperti aur-aur, tamban, basong-basong, pusu, kuasi, dan bubuk yang terjejas akibat kejadian air kemerah-merahan adalah ditarik balik. Walaubagaimanapun, larangan bagi memakan semua jenis kerang-kerangan adalah dikekalkan.

Selain itu, orang awam dibenarkan untuk menggunakan air atau melakukan sebarang aktiviti rekreasi di kawasan pantai.

Orang awam adalah dinasihatkan untuk melaporkan sebarang kejadian perubahan warna air atau jika menjumpai ikan-ikan mati dalam jumlah yang banyak di kawasan perairan dan pantai-pantai Negara Brunei Darussalam.

Jabatan Perikanan akan terus melaksanakan pemantauan secara berterusan terhadap sebarang kejadian air kemerah-merahan serta menyalurkan maklumat rasmi mengenai perkembangan terkini dari semasa ke semasa bagi memastikan orang ramai sentiasa mendapat maklumat yang tepat, sahih dan terkini mengenai situasi kejadian air kemerah-merahan di Negara ini.



Dikeluarkan oleh:

JABATAN PERIKANAN
KEMENTERIAN SUMBER-SUMBER UTAMA DAN PELANCONGAN

10hb. Ramadan 1447H
28hb. Februari 2026M

LAMPIRAN 1

KAWASAN YANG MASIH TERJEJAS DENGAN AIR KEMERAH-MERAHAN



Keadaan terkini perairan antara Muara dan Tanjung Pelumpong